

*dano Mauleonensi* nimis Homericò-poëticè, h e licentiosius dictum & fictum videatur) & *χεῖρα λειόεντα* (*Iliad.* 7, v. 830.) quod reddit Scholiastes *εὐανθὴ ἢ λιπαρὴν*, corpus tenerum: apud *Nican-drum* verò propriè sumitur, *λειόεντα* a *εἶναι*, *lilium caput*, pro flore *lilii*. Alterum vocabulum est *κρίνον*, Evangelistis etiam *Matthæo* cap. VI, 28: & *Lucæ* cap. XII, 27. usurpatum, & Ionicώτερον apud *Herodotum* *κρίνεον*, unde *κρινῶν ὄνθος*, *lilietum*, & *κρινῶν ἄνθος* *lilii planta*, ut *ροδῶν ἄνθος* apud *Theophrastum*. *Λείος* verò etymon omnium proximè tetigisse videtur *Hesychius* Grammaticus, *Ἐξ τῆς λείωσης* nempe, *λεῖος* enim est *levis*, *mollis*, qualem etiam vim emolliendi oleum habet *lirinum*. Quod verò *Matthias Martinus* ex diversis laribus natales ejus arcessit, modò à *λίαν λία*, valdè *mollia*, modò à *λιλεῖ*, quod est *ἐπιθυμῆ* (*λιλαίω, λάω λῶ, volo*), modò à *λειεῖν*, hoc est *καλόν*, in eo multisciam potius eruditionem ostendisse quàm veritatem tetigisse dicendus est. Et *hec erudita conjectandi ratio Philologis* meritò *condonatur*, nemini enim assensum imperant, sed *liberum relinquunt*. Ac citius ego sanè crediderim *Martinio* acutè conjectanti, quàm aut *vetusto Vocabulario*, aut *Isidoro*, ex quo iste desumpsit, *Episcopo* ineptè derivanti, *Lilium* nempe dici quasi *lacteum* à *lacte*, quorum candor est in folijs; *lilia* nuncupata quasi *lidia*; & *violam* à *vi* odoris, & *hederam* ab *habere* *endo*, & *algam* ab *alligandis* pedibus, & *scenium* à *σῶς*, quòd eò *flamma* nutriatur

*auditum admissi risum teneatis amici?*

In linguâ divinâ *lilium* dicitur *ששן* & *ששן*, appositissimè: siue enim rectà à *שש* deduxeris, quod in reliquis linguis est *שש*, *sex*, *שש* ipsa veritas sese ostendit, quia *lilium* *sex folijs*, & *interius totidem etiam capillamentis constat*, unde & *Phœnices*, *Syri*, *Arabes* & *Persæ* eandem vocem retinuerunt, quod apud hos testantur *Susa* regia, teste *Athenæo*; siue per *allusionem* ad *ששן* retuleris, quæ radix *gaudium* signat atq; *letitiam*, unde fluit *ששן*, *ששן* / *ששן*, non longè aberraveris. *Susanna* ergò erit *lilium amabile* & *gaudio ple-*